



《續修四庫全書》編纂委員會編

續修四庫全書

上海古籍出版社

七一〇・史部・地理類

〔嘉慶〕廬州府志五十四卷圖一卷（卷三十二至卷五十四）〔清〕張祥雲修 孫星衍等纂……………一

〔嘉慶〕鳳臺縣志十卷〔清〕李兆洛纂修……………二五五

〔嘉慶〕寧國府志三十六卷首一卷末一卷（卷一至卷七）〔清〕魯銓 鍾英修 洪亮吉

施晉纂……………四四一

2468/08

〔嘉慶〕廬州府志二

〔清〕

張祥雲修
孫星衍等纂

據浙江圖書館藏清嘉慶
八年刻本影印原書版框高
二〇七毫米寬二九六毫米

廬州府志卷三十二

文苑

許子威	伍裔	姚鉉	晉致堯
楊寅	朱翌	楊傑	李冲元
李臺卿	阮美成	焦蹈	李公麟
呂士元	王之道	吳君	張子和
潘純	吳志淳	郭奎	胡聰甫
祝淵	宛杲	邢寬	朱信
何敬	祝富	胡鐸	祝峻
曹鏐	孫昱	沈桂	程式
高誨	黃道年	王霍	朱合明
桑宏	郭士豪	季夢蓮	孫荆
夏寅	黃道月	黃道日	張第
李錢	王永年	陳系	何允麟
龔孚肅	高效愷	王寢大	蔡世符
龔鼎莘	許裔禱	李秀	昂紹善
許孫荃	秦咸	陸龍騰	王衰
朱俊	李菑	任天毓	孫昌裔
黃中	任光世	李孚青	朱乘
任銓	夏起敏	高明	朱衡
孫維祺	黃位中	朱世濂	季步騭
周命佐	王履同	吳寬	趙獻

廬州府志卷三十二 文苑

一

何大猷 陳廷樂 鍾成樂 吳世基

汪國馨 劉廷時 吳成章 沈志彬

朱端昌 湯士玘弟士 傅時因弟時 吳之聯

劉寅 沈邁 吳元桂 何鳴

何天復 吳晟 韋尚賓 錢瑄

田寶發 王漣 龔朝聘 黃培

孫宗灝 陳延炯 袁國鳳 沈可一

盧之玖 李旭 侯坤 曾鼇

汪有典

廬州府志卷三十二 文苑

二

廬州府志卷三十二

賜進士出身廬州府知府溫陵張祥雲主修
文苑

許子威廬江人西漢末爲中大夫光武少時從受尚書康

五代

伍喬廬江人性嗜學以淮人無出已右者遂渡江居廬山國
學苦節自奮一夕見人掌自牖隙入署讀易二字忽不見
喬大歎異輒取易讀之探索精微越數年山中浮屠夢仰
視見大星芒色甚巨傍有人指之曰此伍喬星也既覺訪

廬州府志卷三十二 文苑

得喬聲索子之喬出與郡計明年春試畫八卦齊後望鍾
山詩是歲同試數百人初中有司之選者必延之升堂而
加慰飲焉先是宋貞觀登坐張洎續至主司覽程文遂掛
貞觀南坐而引洎西首洎數行喬始上卷主司讀之驚歎
乃從貞觀處席北洎居南喬爲賓首覆考楊出喬得第一
洎第二貞觀第三時稱主司精於衡鑑元宗命勒喬文以
爲永式署宣州幕府考滿遷考功郎卒於官馬令南唐書

宋

姚鉉字寶之廬州合肥人太平興國八年進士甲科解褐大
理評事知潭州湘鄉縣三遷殿中丞通判簡宜昇三州淳
化五年直史侔侍宴內苑應制賦賞花釣魚詩特被嘉賞

翌日命中使就第賜白金以獎之至道初遷太常丞充京
西轉運使歷右正言右司諫河東轉運使上言曰伏見諸
路官吏或強明益事惠愛及民者則必立條教除其煩擾
然狡胥之輩非其所便候其罷官悉藏記籍害公蠹政莫
甚於此禮云其人存則其政舉其人亡則其政息又語曰
舊令尹之政必告新令尹斯實聖人之格言國家之急務
也欲望所在官吏有經畫利濟事可長久者歲終書歷受
代日錄付新官俾之遵守若事有灼然匪便聽上聞俟報
改正詔從之咸平三年河決鄆州王陵埽東南注鉅野又
淮西城中積水壞廬舍以鉉知州事徙州於汝陽陽鄉之
高原委以營度許便宜從事工畢加起居舍人京東轉運

廬州府志卷三十二 文苑

使徙兩浙路鉉雋爽頗尙氣薛映知杭州與之不協事多
矛盾映撫鉉罪狀數條密以聞貶連州文學吉州之萬安
抵虔江有贛石舟行其中湍險萬狀鉉過感而賦之以自
況大中祥符五年會赦移岳州又移舒州俄授本州團練
副使天禧四年卒年五十三鉉文詞敏麗善筆札藏書至
多頗有異本兩浙課吏寫書亦薛映所掎之一事雖被竄
斥猶備夫荷擔以自隨有集二十卷又採唐人文章纂爲
百卷目曰文粹卒後子嗣復以其書上獻詔藏內府授嗣
復永城主簿幼子利俊穎美秀頗善屬辭裁十歲卒鉉紀
其事爲聰悟錄人多傳之宋史列傳

胥致堯合肥人少力學能文衛初爲三班借職後至左班殿

直歐陽修志其墓子以才稱康熙志

楊真字審賢察之弟宋史楊真傳少有雋才慶歷二年舉進士

京師試國子監禮部皆第一既試崇政殿帝臨軒啟封見

名喜動於色謂輔臣曰楊真也遷擢第一公卿稱賀為得

人援將作監丞通判潁州未至官持母喪病歿卒特詔贈

恤其家先是其友夢真作龍首山人真自謂龍首我四冠

多士山人無祿位之稱我其終是乎已而果然宋史文苑傳

宋翌字新仲舒城人號潛山居士政和間進士時人諱言詩

翌獨沈涵六藝文思颯發南渡後為中書舍人掌書命文

章寔顯於朝忤時宰謫曲江十有四年既而北歸詩益老

廬州府志卷三十一 文苑 三

文益奇著潛川集三卷康熙志

楊傑字次公無為人少有名於時舉進士元豐中官太常者

數任一時禮樂之事皆預討論嘗議玉牒帝系自僖祖而

上世次莫知則僖祖為始祖無疑宜以僖祖配感生帝又

請孝惠賀后淑德尹后章懷潘后皆祖宗首納之后孝章

宋后皆母儀天下升祔之禮久而未講宜因慈聖光獻崇

配之日升四后神主於祖宗廟斷天下之大疑正宗廟之

大法由是固后始得升祔神宗詔秘書監劉几禮部侍郎

范鎮議樂几請命傑同議傑言大樂七失竝圖上之神宗

下几鎮奏定鎮不用傑議自制樂成詔褒之哲宗卽位議

樂又用范鎮說傑復破鎮樂章曲名宮架加磬十六鐘磬

之非又論鎮以黑黍用秬制律銅量叩之不合黃鍾以世

無真黍用太府尺為樂尺下舊樂三律詳具樂志傑在神

宗時與鎮異議至是復攻之鎮之樂律卒不用元祐中為

禮部員外郎出潤州除兩浙提點刑獄卒年七十自號無

為子有文集二十餘卷樂記五卷宋史文苑傳

李冲元字元中舒城人紹聖中為宜春司理到官獄訟衰息

日以賦詠自娛嘗撰鞠城等銘刻石以傳冲元與蘇軾友

酷嗜浮屠學黃庭堅每至袁郡必畱與冲元論禪或逾月

而後去諸銘見袁州志康熙志

李臺卿字明仲廬州人貌陋甚性介不羣而博學彊記罕見

其比好左氏有史學考正同異多所發明知天文律歷千

廬州府志卷三十一 文苑 四

歲之日至可坐數也蘇軾謫居黃州臺卿為麻城主簿因

識其人罷歸卒軾有詩弔之見集中康熙志

阮美成字閑休舒城人元豐中進士自戶部郎謫知巢縣為

政愷悌移守郴州喜吟詩號為阮絕句天下名勝志

焦蹈無為人通經史百家嘗四首鄉舉元豐八年禮部貢院

火改期別試蹈為大魁京師諺曰不因南省火怎得狀元

焦天下名勝志

康熙志蹈首鄉薦為省元登第蓋三元也越六日未授官

還卒出狀元考

李公麟字伯時舒州人東都事略第進士歷南康長垣尉泗

州錄事參軍用陸佃薦為中書門下後省制定官御史檢

法好古博學長於詩多識奇字自夏商以來鍾鼎彝器皆能考定世次辨測款識間一妙品雖捐千金不惜經聖末朝廷得玉璽下禮官諸儒議言人人殊公麟曰秦璽用藍田玉今玉色正青以龍蚓鳥魚為文著帝王受命之符玉質堅甚非昆吾刀鏘肪不可治珣法中絕真秦李斯所為不疑議由是定元符三年病瘵遂致仕既歸老肆意於龍眠山巖壑間雅善畫自作山莊圖為世寶傳寫人物尤精識者以為顧凱之張僧繇之亞襟度超軼名士交譽之黃庭堅謂其風流不減古人然因畫為累故但以藝傳云宋史文苑傳

按王偁東都事略云李公麟舒城人此書在宋史前典核廬州府志卷三十二 文苑

可信今據此入志又舊志公麟二弟公寅元中一統志作公權公寅又云李元中與公麟李亮工同時登第時號龍眠三李

呂士元巢人資質豐偉學問該博哲宗元祐丙寅立十科舉士法士元上疏懇切未報後累試不第憤然曰當今蔡確章惇等四害未除吾等困老田園於世無補何生為乃抱書至東山二里許投橋下死朝士王巖叟朱光廷等咸惜之里人因名其橋曰抱書明隆慶志

王之道字彥猷無為人剛直尚風節宣和進士與兄之義之深同科名其堂曰三桂晚官樞密使封魏國公贈太師有相山文集二十六卷詞一卷嘗夢帝命之曰以爾有功當

錄其後子十人仕者九人適至戶部侍郎康熙志
吳君史逸其名或云傳敦行篤學以明經著稱晦庵先生知南康軍闕書院招延來學以書幣請吳主教事於廬山之白鹿洞康熙志

元

張子和舒城人進士任宿遷主簿有詩名康熙志

潘純字子素廬江人少有俊才游京師一時豪貴爭迎之嘗著卦辭諷切當時因以滑稽中禍亡徙江湖間娶妻子寓東吳日與諸人觴詠為樂詩極精麗其弔岳武穆近體曰海門寒日淡無輝偃月堂深書漏稀萬龍聽江上老兩宮環佩夢中歸內園羯鼓催花發小殿珠簾看雪飛不道

廬州府志卷三十二 文苑

六

張前胡旋舞有人行酒著青衣當時稱詞後應越中高太尉辟行次蕭山道中卒葬西湖岳王墓側康熙志

吳志淳字主一無為人元時歷官靖安都昌二縣簿濠泗兵起徙家豫章後居鄧之東湖奏除待詔翰林為權倖所阻明初遂不仕工詩古隸學孫叔敖碑劉本仁有贈隸書吳判簿詩草隸競推吳太史以其先官縣簿而後除待詔也康熙志

明

郭奎字子章以字行巢縣人少游余忠宣公之門青陽遺集其所藏弄也元末仗劍從軍徧遊大江以西及燕趙淮楚間思親戀國之心發為詩歌音節悲壯每從江湖間瞻望

飛雲輒泛然淚下因題其集曰望雲金華宋謙新安趙訪咸為之序朱文正開府鎮洪都聘為參謀

康熙志

胡聰甫舒城人洪武初授本縣教諭博通古今和厚有長者風

康熙志

潘植字公年廬江人洪武時以秀才舉判廣安州公勤廉介尤長於辭翰著有擊壤集

縣志

祝淵字季深舒城人洪武戊辰進士邑當兵燹之後民不知學淵資性英發弱冠登第授兵部主事永樂間蜀王之國選為祠官王器重之題其書室曰芝蘭軒學士劉三吾為記遷龍游令多惠政陞國子監監丞

康熙志

宛臬字彥昭廬江安豐鄉人讀書通世務尤好施予永樂中

廬州府志卷三十二

文苑

七

以行誼推為教讀鄉邦子弟多所成就年既高子琮輩構晚翠樓以奉昕夕邑大夫歲行鄉飲禮為大賓卒年九十

康熙志

邢寬字用夫無為人博學工詩文永樂甲辰進士廷對策兵

戎考究詳悉議論醇正擢第一由翰林院修撰進侍講正

統朝纂修宣廟實錄賜文綺銀鈔景泰二年陞侍讀學士

卒於官上甚悼之遣知府史濡諭祭

康熙志

朱信字以誠合肥人惇行立學事親篤孝正統辛酉鄉薦以

經學知名授南安府學教授有樂度三聘為鄉試考官龍

給事源嘗推重之

康熙志

何敬字允恭合肥人謙謹和易刻勵向學成化間歲薦家居

每旦必衣冠拜天地祖宗以及先師正襟危坐課諸生以

孝弟為本文藝次之任延平府知事卒於官旅櫬歸江中

遇風舟楫欹斜其妻撫棺泣曰天乎吾夫素行若虧宜遭

此厄少頃風波頓息

康熙志

祝富字堯臣舒城人博學工詩成化丁酉舉於鄉中會試副榜第一除伊陽教諭三校省闈由國子學正遷伊府長史悉心輔導時宗室以事件王立能辨讐累階至嘉議大夫所著有默然集

康熙志

胡鐸字君求舒城人孝友直方廬父墓三年當途交薦後開輔仁講會闡明正學四方就教者以千數

江南通志

祝峻字具瞻舒城人安貧立學授生徒數百人門下士多顯

廬州府志卷三十二

文苑

八

者任金鄉訓導豈弟作人人尸祝之歸田怡老年九十卒

康熙志

曹環字順卿巢縣人勛臣貴之後宏治辛酉與弟琥同鄉薦學有本原操嚴冰蘖署教諭及卒門下士咸思慕之不能忘

康熙志

孫昱字世煜合肥人鄉賢鎮之裔也正德中以貢授崇陽訓導日夕坐齋中教士不一至縣衙守令以是特優禮之閱六年賦歸

康熙志

沈桂字仲木無為州人少潛心理學從湛若水鄉守益諸儒往復論難嘉靖間進士都陽知縣改會昌撲滅山寇有功遷工曹誤列黨籍未任卒著太極圖說詩文若干卷

康熙志

程式字元一合肥人伊川先生長子端中十二世孫朱靖康中端中知六安軍死於兵葬廬州子孫遂家焉式能文章尤工小楷登永樂間鄉薦以楷書應辟爲宛平令多善政後以親老告歸教學於廬之西鄙晚年精通易理著有易理通解 採訪事實

高誨字廷弼合肥人宏治辛酉舉人授青城知縣陞萊州府通判政事文學當途交薦擢知養利州辭不赴家居清素就詩賦有泰山覽勝諸刻 康熙志

黃道年字延卿合肥人隆慶辛未進士授江西南城令丁艱補天台令旋擢漢州刺史所在有異政賦性耿介歷宦數十年僅至五馬解組後怡情山水蕭然高寄不問家人生

廬州府志卷三十二 文苑

九

產所得金隨手散去貧交待以舉火者甚眾有中庸正解二十一史駁浮槎山房詩稿行世 縣志

王蘊字侶葵合肥人兒時言笑不苟及長究心濂洛之學以恩貢任臨清主事督關悉屏陋規以廉介見稱著有書經便覽行世海內宗之 縣志

朱合明字敬之無爲人國子生豪邁自喜捐千金給貧民俾

助城守好學工臨池藏書萬卷悉經校閱著看劍集 康熙志

桑宏字治寬舒城人治禮記仕至大理寺評事祀鄉賢 縣志

郭士豪字光斗舒城人能文晚與章大力艾東鄉陳大士爲文壇四傑嘗刻燭詠蝶頌成百首時稱爲蝶公事親純孝由明經特薦任御史仕至金衛兵備道所著有五先集行

世縣志

李孟連字叔房無爲州人博覽羣書不屑事舉子業詩詞甚富與董思白陳仲醇諸人同時刻集頗亦見稱晚年構月當樓積書至萬卷 康熙志

孫荆字子楚合肥人鎮之裔也少遊吳著述頗多所纂廬陽文獻志慎重少許可得史家遺意 康熙志

夏寅字時正廬江人少聰穎篤學萬歷壬子春有鳩巢于軒是秋獲雉因號鳩軒謂鳩性拙與已樸誠相似也通判岳州有糧長失風漂沒漕米計罄產不足償寅捐俸代完二百二十金以豁其罪去岳之日行李蕭然詩藁散軼不存 康熙志

廬州府志卷三十二 文苑

十

黃道月字德卿合肥人萬歷丙戌進士官中書舍人居恒慕司馬長卿蕭疎俊朗殆神仙中人也詩文清妙都無塵俗年三十九卒所著散軼不存 康熙志

黃道日子荆卿道月同母弟也舉於鄉入國子監讀書爲一時名流推賞工翰墨行草俱爲世所珍今多廢筆真迹端疑雅重識者能辨之 康熙志

張第字次崖巢縣人司教西安步趨嚴飭文辭莊雅爲一時後進所宗 康熙志

李箴字華仲巢縣人天啟辛酉舉人崇禎間廬江災荒箴以謁選入都慨然具疏請加軫恤署沂州學正所著有四書講噓月集 江南通志

王永年字雪壺廬江人崇禎恩貢授中書舍人博雅工詩文
喜獎誘後學值歲早取質券盡焚之著雪壺集若干卷子
鳳鼎進士 康熙志

陳系字虞耳合肥人崇禎初以貢入太學有文名庚辰授太
原令改教婺源俱未赴 康熙志

何允麟字麟兮合肥人年十五六以文名殊不屑也瀟灑歷
落冠至登陴為諸將畫城守計積然以詩酒自放年三十
卒 康熙志

龔孚肅字尹達承先第三子家世仕宦孚肅獨耽淡素被服
儒者豐姿偉幹羣落出羣工詩文善書畫歲飢倡賑多所
全活卒祀鄉賢子鼎孳 康熙志

廬州府志卷三十二 文苑

十一

高致愷字虞咨合肥人性敦樸絕浮華縣令方應庚約諸生
有才名者會文香花墩效愷堅請入會方勉許之然究與
諸生異視也是秋鄉試卷為方所得比拆號見姓名欲乙
之主司不可遂填榜末後理汾州知武定州居官清謹民
戴其德 康熙志

王寢大字幼章合肥人崇禎丁丑進士事繼母撫異母弟五
人內外無閒言乙亥守城親冒矢石皖撫史可法重其人
一時機務悉諮以行再任知縣擢南吏部郎家居三遇旱
蝗並捐資助賑其規畫荒政甚詳嘗謂史為古今第一要
義春秋史法之祖通鑑綱目羣史之會故二書皆其畢生
精力所萃有春秋說史綱鈔累數十萬言制藝亦卓然名

家 康熙志

蔡世符字貞符合肥人十四遊庠每試輒冠曹偶著作甚富
性英敏多才畧崇禎乙亥寇至與同社諸生百計防禦城
賴以全 縣志

國朝

龔鼎孳字孝升合肥人明崇禎甲戌進士歷官兵垣順治初
召用廷左都御史再謫再起歷刑兵禮三部尚書開孳治國博
學工詩古文為士林所推 江南通志

許喬衡字杜隣合肥人少孤事母至孝善屬文尤工楷書順
治甲午科拔貢以養親不仕閉戶著書肆力於古文詞所
著有二樓詩集 縣志

廬州府志卷三十二 文苑

十二

李秀字秀升舒城人負性瀟灑喜讀書論古詩情溫和秀麗
與龔宗伯為筆墨交倡和極多甲午拔貢年六十餘卒於
家 縣志

昂紹善字元長合肥人性穎異博通五經豫章熊雪堂令肥
拔冠多士順治辛卯成五經監臨上官館異其才疏薦於
朝以恩拔領甲午北闕鄉薦康熙丁未成進士 縣志

許孫荃字友孫合肥人庚戌進士幼篤學九肄力詩古文詞
選庶常一時館課稱著作手改授刑部主事時值滇黔之
變棟連者甚眾孫荃為平反全活數百人陞戶部郎督通
漕以廬衛為桑梓地代納旂丁積負報最奉命督學陝西
捐俸修學宮及張橫渠先生祠以親老乞歸未幾卒著有

華嶽慎墨堂諸詩集子夢麒貢士有文名 康熙志

秦成字虞桓合胞人龍之曾孫以明經入雍萊考中書第一

負性豪邁學問淹博好客揮金不樂仕進闢潭影園築酣
絲亭於池上栽花種竹日與名流唱和著有潭影堂詩前

後燕遊草等集行世其長子篆邑諸生氣度瀟灑家學淵
源四方乞詩文者無虛日著有抹雲亭詩餘行世次子龍

文詩文清妙尤工書法康熙間與高士奇同官年未三十
卒少子鳳文國學生孫宗景郡諸生俱以能文名 康熙志

陸龍騰字雲樓巢縣人貢生與修縣志能詩襲宗伯雅重之
亦善書法 康熙志

王袁字石倉合胞人庚午鄉魁捷南宮出為商河令邑故多
廬州府志卷三十二 文苑

盜袁持法廉恕四境肅然以終養歸事母至孝性嗜古居
嘗誦讀不輟詩文清超絕俗著有冰翠堂集行世 縣志

朱俊字仲文廬江歲貢文格超妙生平構制藝近萬首多散
帙不存 縣志

李菖字中泚合胞人篤行好學博極羣書性恬退不樂仕進
為士林所矜式妻陳氏因流寇入室不辱死菖不復再娶

所著詩集十餘種已刻有辰懷軒詩文集行世 縣志

任天毓字毓生舒城人五歲能誦詩稍長博綜墳典工染翰
邑令西蜀王民懌試童子奇之為諸生每試冠軍文譽播

四方後入成均循例考授縣令不就 縣志

孫昌裔舒城人少穎異所著詩古文詞一時紙貴 縣志

於鄉

黃中字平子舒城人蕭山令應宮子十歲能文順治丁酉舉

御試體仁閣乾卦齋說濂臺賦平定湖南露布數千言立就晚
年絕意仕進讀書澄塘別墅輯有程朱語錄年譜方輿紀

要著有雪瀑集論文瑣言 縣志

集 縣志

任光世字昭茲舒城人康熙癸卯舉人嘗於京邸宴集刻燭
成詩傾倒座客一時名譟京邑年未四十卒所著有舫園

政治典訓

李孚青字丹壑相國文定公長子年十五舉康熙戊午順天
鄉試十六成進士授編修充

玉牒類函明史四館纂修後丁父憂不復出家居孝友讀書務
挾精奧為文往復紆迴詩格似韋蘇州所著有野香亭集

盤隱山樵集子防林康熙己丑進士 採訪事實

朱乘字友閑舒城歲貢工詞章乞言者踵相接需次教諭未
就卒 縣志

任銓 原姓字次泉舒城廩生博學工筆札為文雄深古雅卓
然成家所著有樂菴集行世 縣志

夏起敏字滌九廬江諸生究心性理所著有霜林集 縣志

高明字聯岐廬江人詩境清麗晚年徜徉於山水間著作甚
富 縣志

宋衡字伊平廬江人康熙戊午登賢書第一乙丑成進士人

詞館歷侍讀學士長洲韓宗伯讀其文擬之蔡陽具區其
纂修三朝國史及撰願憲成張柔等傳俱稱實錄同邑張
公宏任殉寇難於嘉定州湮沒數十年衡視學蜀中特疏
請祀名臣又嘗述先人言為呂公學望立傳增入廣輿記
於表揚忠烈尤汲汲焉 縣志

孫維祺字以介號起山廬江人博極羣書登康熙辛未進士
令河間調徠水解組歸居林下十餘年閉戶著書落筆灑
灑數千言立就論制藝尤多精識性至孝年五十居母喪
毀粥茹蔬裹衣皆麤布為之泣寒不易 縣志

黃位中字其相廬江人拔貢生為學不事章句務在闡明經
學文章古茂迥秦漢而醇和淵懿則得之聖經為多為人

廬州府志卷三十二 文苑 五

傲岍有氣節嘗館於豪右豪宅隣鮑氏墳侵其地鮑訟之
縣令受豪囑勘墓所不直鮑賴公白其枉鮑氏墓竟以獲
全家雖貧而取予不苟所著有十七史考證或問語類性
理諸書註釋素菴古文松雪閣時文 縣志

朱世濂字奕章廬江人恩貢生學有根柢文筆淵茂得史漢
氣息性恬泊寡營于廣佳邑廩生克敦孝友尤為邑人推
重 縣志

李步騫字尾孫別號懶簋居士無為人幼有至性母病劇潛
入神廟祈禱已歸母母壽遂霍然愈平生自負其經濟上
書當事鬱鬱子衿中不得志其磊塊盡發之詩歌古文人
多誦之 州志

周命佐字贊甫無為人嗜學不倦絕意仕進僻處江濱窮愁
抑鬱悉發於詩 州志

王履同字第來無為人康熙甲辰進士好苦吟有郊島長吉
之風授司理未仕卒著有秋潭集 州志

吳寬字敬五無為人能文章豪邁不羈廣交遊持風雅酒盞
詩筒往來無間晚年授廣西賀縣令卒於官著青遇堂詩
集 州志

趙獻字方叔無為人廩生工行草所著有讀易品藻二十餘
卷芝嶼集六卷 州志

何大觀字爾光無為人貢生祿期仇爽一時名雋多從之遊
著有紺園集 州志

廬州府志卷三十二 文苑 六

陳廷樂字子韶無為人少卓犖不羣補弟子員文名噪一時
晚歲結廬江上披誦其中無間寒暑尤善獎勵後進著有
樵通集行世 州志

鍾成樂字五柳無為人諸生沉潛嗜學性恬適接物謙和著
有尙友齋詩集孫伯重亦以詩名著有筆談小草 州志

吳世基字念祖無為人光義孫性孝友嗜學康熙壬子癸丑
聯捷成進士工書法行楷絕妙一時刊有四書詩經制藝
行世其詩古藏稿總名一薪集 州志

汪國璿字衡玉無為人康熙丙子舉人性至孝文名重一時
人稱為真孝廉 州志

劉廷時字若夏無為人為諸生有聲工草書尺幅寸楮入競

珍之 州志

吳成章字興公無為人歲貢生工古文詩賦從弟觀周字季來有文譽康熙戊子舉人官中書 州志

沈志彬字文宏無為人順治壬辰進士授推官文筆英妙著有燕臺遊草

朱瑞昌字儀仁無為人康生篤學好義精詩古文詞著有楚遊草珠樹堂等集 州志

湯士珩字子將無為人康熙時歲薦肆志邱壑放情詩酒著有山水清音集數卷第士琬字文玉廬康熙壬子歲薦與兄竝以詩著名 州志

傅時因字因誰無為人少負俊才為諸生有聲與兄時雍弟

廬州府志卷三十二 文苑

七

時誨俱擅詩名著金焦遊草及偶然集 州志

吳之聯字一蜚無為人十歲而孤奉母訓惟謹少穎悟喜讀書工詩性高介著有南樓詩集 州志

劉寅字敬存無為人郡廩生工詩為文意見高卓著有踵息軒詩集 州志

沈邁字辭懌無為諸生性坦率工詩著有臥雪堂詩集 州志

吳元桂字秋岳無為人少孤貧嗜讀書豪於游不樂仕進歷

三巴潮兩潮入都門足跡半天下而詩益富著有振華齋集袁輯昭代詩針暨濡須詩志行世復與同志纂訂州乘

舉鄉飲介賓 州志

何鳴字雲友無為諸生少有高才性恬退耽吟咏中年謝舉

子業益肆力於詩所居名荆莊手植梅百餘本日吟詠其間著有荆莊草行世 州志

何天復字月驟號淡庵無為人郡諸生詩歌原本漢晉其高處直追陶謝著有淡庵詩集 州志

吳殿宇敬感無為人性穎異讀書過目輒不忘肆力經史舉業稱名家詩格規樸大蘇晚篤嗜少陵古文辭出入韓蘇以副車終 州志

韋尚賓字于王舉人嗜學多聞風流豪邁工詩古文詞尤工草書晚年究心內典時人比之大蘇 縣志

錢琯字自西無為人郡諸生襟期灑爽耽吟不輟著有蕙圃樵人集 州志

廬州府志卷三十二 文苑

八

田實發字梅嶼合肥人雍正庚戌進士壬子乙卯山東湖北同考官任徐州府教授天資穎悟尤工詩文名震一時著有玉禾詩集綠楊亭詩餘行世

王漣字修邇父華字秋岳休寧名諸生友教四方卜居合肥連五歲能文性孝居母喪哀毀骨立乾隆癸酉舉於鄉以親老不赴公車教授生徒門下多知名士所著有四書正義易經正義還讀堂詩文集

龔朝聘字獻丹亦字澄庵合肥人性孝友家貧力學博極羣書乾隆辛卯成進士選授甘肅成縣知縣時四方軍流至者苦露處死者屢告朝聘至即捐貲置屋俾得安棲所全活甚多蒞任未久尋被議去歸里後友教四方淮南北學

者無不知澄庵先生名刻有寶誼堂制藝行世

黃培字載鍾廬江人少穎慧下筆千言立就既冠益覃思經典不樂仕進成進士後即歸里教授生徒宏獎後輩性和易無圭角而義利之辨甚嚴所著有斗南閣古今文集香巖續集

孫宗灝字昭仰廬江人博學篤志經學尤邃密多所聞發爲制藝造思曠文止間年四十絕意仕進閉戶著書所著有周易本義四書本義

陳延炯字耀文廬江人歲貢生少力學能文頗負時譽爲文耐深思能發難達之理紆迴淡宕顧艱於遇晚年司訓太湖著有鑒亭文集

廬州府志卷三十一 文苑

九

袁國鳳字丹青無爲人性敏捷日課可數十藝著有求是集行世後任阜寧縣司訓卒於官

沈可一字次公無爲諸生博學能文著有選洲詩集州志

盧之玫字東玉無爲歲貢能文工書法授山陽訓導未任卒

李旭字旦初本名庚無爲諸生工詩元圖書集成校閱授蘄州判改南淮鹽知事權儀通泰監掣泰州分司皆有政績卒官

侯坤字礪石無爲遜貢工詩古文詞兼精書法館京師最久才名藉甚公卿間卒不第後授兩廣鹽經歷權廣州分府潮州鹽運分司大憲使需次者十數人師事焉卒於官曾鰲字翰英無爲名諸生詩歌詞賦皆雋永可傳

汪有典字啓謨無爲庠生博通經史嘗考明忠義事跡各爲立傳著作甚富兩舉鄉飲賓年七十一卒

廬州府志卷三十一 文苑

三十

廬州府志卷三十三

仕宦

王 咏 史希賢 徐鑑 吳璟

謝憲 吳光宇 王欽 仰昇

吳來庭 盧 冲 傅時勉 秦日升

朱節煌 王 興 任民望 龔鼎享

任遵道 黃從善 王 基 蔡于宣

王 紱 張國城 黃應庚 許明章

任振世 胡守欽 陳 略 夏尙忠

甘廷杰 楊國英 李夏盛 王鳳來

葛兆熙 楊調鼎 謝舉安 程本道 朱大復 盧之範

廬州府志卷三十三 仕宦

錢雲濬 李元正 齊宏 劉登

宋 祐 汪 衡 阮應時 張楠

沈汝蘭 徐國顯 楊 詵 朱 端

朱 玆 黃應官 龔鼎選 范大鵬 朱維世

龔士正 子志 復 倪 岱 許齊卓 張先岸

任之鏞 高廷選 胡 鈞 黃 化

吳尙禮 黃思微 廖國芳 譚應騏

王杏舒 褚啟宗 曾 璞 靳起柏

王會燕 周 洞 趙壽朋 吳光庭

蕭際韶 蔡淮英 張 拱 劉 崧

廬州府志卷三十三

賜進士出身廬州府知府溫陵張祥雲主修

仕宦

宋

王咏字叔永無爲州人嘉定間知涇縣事歲有水患林改建

縣治於舊治之東二里留村邑人永享其利著有燕翼貽

謀錄五卷言一代之典制頗詳 州志

明

史希賢字士功無爲人幼習吏事洪武初以吏員被薦赴京

授湖廣瀏陽知縣時荆湖新附希賢至披草萊設治所招

撫流亡諸公署學舍皆所勅立績滿民保留之後陞廣平

廬州府志卷三十三 仕宦

知府祀瀏陽名宦 州志

徐鑑字明夫無爲人由歲貢入太學焚膏苦讀成祖夜微行

問書聲命左右記之次日召見嘉其有風憲體遂命按湖

湘及蒞任糾劾百司藩府震懼按察使吳悅稱其廉明果

斷視古之攬轡埋輪者不少讓後陞金華知府 州志

吳璟字定君無爲人天順壬午舉人授內閣中書任河南商

城令恪謹廉明興利除弊士民賴之以知州卓薦不赴請

告歸里 州志

謝憲字君弼無爲人性孝友尙氣節宗族貧乏者多周之任

平洪縣丞民稱其廉平不苛嘉靖間倭寇竄發憲獻策數

十不報因告歸子封嘉靖丙辰進士吏部文選司主事 州志